

Fyrsti fundur Delta deildar starfsárið 2013-2014 haldinn þriðjudaginn 19. nóvember að Bjarneyjarsandi í Hvalfjarðarsveit kl. 17.30.

Í byrjun gáfum við okkur góðan tíma í að skoða handverk og afurðir sem framleiddar eru á Bjarneyjarsandi og keyptu nokkrar félagskonur meðal annars beikon, bjúgu og svínakjöt.

Fundurinn hófst formlega kl. 18.00 með því að Þórunn kveikti á kertunum þremur. Að því loknu var nafnakall en 14 konur sóttu fundinn. Arnheiður Hjörleifsdóttir bóndi sagði okkur sögu ferðapjónustunnar á Bjarneyjarsandi. Á heimasíðu stendur meðal annars að:

"Á Bjarneyjarsandi er rekin fjölbreytt starfsemi á sjálfbærum grunni. Hluti af umhverfisstefnu búsins er að framleiða hreina hollustuafurð fyrir neytendur, þar sem virðing er borin fyrir dýrum og umhverfi. Á Bjarneyjarsandi er rúmlega 600 kinda fjárbú, nokkrar landnámsþætur, vistvæn svínarækt, holdakánurækt o.fl.

Á Bjarneyjarsandi er líka stundaður Opinn landbúnaður og geta gestir og gangandi fengið leiðsögn um bæinn, útihúsin og nágrenni og þannig fræðst um starfsemina, átt persónuleg samskipti við bændur og framleiðendur og kynnt sér aðbúnað og umhirðu dýra.

Hægt er að versla við bændur á Bjarneyjarsandi allt árið um kring, þó árstíðabundinn munur sé á vörum og þjónustu. Í gömlu súrheysgryfjunni okkar er nú rekið gallerí - það eina sinnar tegundar á landinu í slíkum húsakynnum. Nafnið, Gallerí Álfhóll, var valið með hliðsjón af umhverfi og örnefnum, þar sem skammt norðan við gryfjuna er Álfhóll.

Ýmsir munir eru til sýnis og sölu, unnir af fagurkerum í nágrenni við okkur. Meðal efnis sem unnið er með er íslensk ull, tré, gifs, gler og selskinn. Auk þess hefur listakonan Rebekka Gunnarsdóttir málað vatnslitamyndir af nánasta umhverfi okkar hér í Hvalfirði.

Bjarneyjarsandi er fyrst og fremst stundaður hefðbundinn sauðfjárbúskapur, þó með örlitlum undantekningum. Frá árinu 1992, hefur smám saman verið að byggjast upp þjónusta við ferðafólk. Sú uppbygging hefur átt sér stað samhliða sauðfjárræktinni.

Arnheiður Hjörleifsdóttir

Að loknum fyrlestri Arnheiðar tóku við hefðbundin fundarhöld.

Rætt var um að stefna á að funda í síðustu viku í janúar og fara þá á námskeið hjá Sigrúnu sem hún hefur verið að fara með út í deildirnar. Ákveðið var að formaður myndi senda út tvær tillögur að dögum.

Rætt var um að við mættum vera duglegri að fara inn á heimasíðuna, töldu konur ástæðu þessa að þær myndu ekki lykilorðið. Formaður ætlar að senda póst á félagskonur með vefslóð og lykilorðinu.

Theodóra fór, í forföllum formanns, á framkvæmdarráðsfundinn og Jónína fór á Landsambandsþingið á Hótel Heklu. Jenna greindi frá því að Vorþingið yrði á Ísafirði á komandi vori.

Þórunn greindi frá því að næsti fundur yrði í lok febrúar, síðan einn í mars og apríl og vorferð í maí.

Einnig las hún úr fréttabréfi forsetans, þar sem kom fram að næstu einkunnarorð yrðu „Styrkjum tengsl til framtíðar“.

Greint var frá að félagsgjöld væru 8.500 kr af því færi til landsambandsins 8.000 kr. og við fengjum rest 500 kr.

Minnti Þórunn félagskonur á að gerast félagi inn á facebooksíðu Delta Kappa Gamma.

Meðal þess sem rætt var um í lok fundar var eftirfarandi:

- Hvort sniðugt væri að efla samstarf milli deilda, vorferð til Guðrúnar Bjarnadóttur,

- Dagný kom með umræðu um það þegar konur fara á fundi á vegum félagsins hvort félagið ætti ekki að borga í ferðakosnað . Elsa greindi frá því að félagið hafi verið búð að samþykkja fyrir löngu að greiða ferðakosnað og gistingu.

Orð til umhugsunar flutti Jónína Eiríksdóttir að þessu sinni og ræddi hún um einelti ungra stúlka.
Að lokum snæddu fundarkonur dýrindis súpu, salat og brauð sem Arnheiður framreiddi úr afurðum frá Bjarteyjarsandi. Undir borðhaldi var happdrættið á sínum stað en að þessu sinni kom Ingibjörg Adda með vinninginn.
Fundir slitið kl. 20.30.
Fundargerð ritaði Sjöfn Guðlaug Vilhjálmisdóttir.